

**SPORTSKO RIBOLOVNI SAVEZ
BOSNE I HERCEGOVINE**

Ulica, Ive Andrića 4.

71123 ISTOČNO SARAJEVO

E-mail: srsbihk@gmail.com

Facebook: RIBOLOVNI SAVEZ BiH

WEB SITE: srsbih.com/web



**СПОРТСКО РИБОЛОВНИ САВЕЗ
БОСНЕ И ХЕРЦЕГОВИНЕ**

Улица, Иве Андрића 4.

71123 ИСТОЧНО САРАЈЕВО

E-mail: srsbihk@gmail.com

Facebook: RIBOLOVNI SAVEZ BiH

WEB SITE: www.srsbih.com/web

SPORTS FISHING ASSOCIATION OF BOSNIA AND HERZEGOVINA

Tel: 00387 **61 217 870** , Tel/ Fax: ++387 33 **485-719** Ž.R. **1610000012560056** Raiffeisen bank BiH
ID = **4200830340002**

BROJ:01-075/14

USVOJENO NA UO SRS BIH 15.02.2014.

P R A V I L N I K

O REPREZENTATIVNIM SELEKCIJAMA SRS BIH

Sarajevo, februar / veljača 2014.god.

Na osnovu člana 32.11. Statuta, i odredaba Pravilnika o Sportsko ribolovnim takmičenjima, Upravni odbor Sportsko ribolovnog saveza Bosne i Hercegovine, na sjednici održanoj dana 15.02.2014. godine donio je :

P R A V I L N I K

O REPREZENTATIVNIM SELEKCIJAMA SPORTSKO RIBOLOVNOG SAVEZA BOSNE I HERCEGOVIMNE

Član 1.

Pod reprezentativnim selekcijama(u daljem tekstu Reprezentacija BiH) podrazumijevaju se ekipe Saveza sportskih ribolovaca BiH obrazovane za nastupe na međunarodnim takmičenjima.

Reprezentaciju BiH u smislu odredaba ovog pravilnika čine:

- Potreban broj takmičara i rezerve,
- Selektori, treneri i pomažući članovi,
- Vođe puta-Kapetani.

Član 2.

Ovim Pravilnikom se uređuje:

- 1.NAČIN OBRAZOVANJA SVAKE REPREZENTACIJE SRS BIH, I IZBORA STRUČNE EKIPE,
- 2.OBAVEZNA OPREMA, PRIBOR, HRANA I MAMCI ZA ULOV RIBE,
- 3.FINANCIJSKO OBEZBJEĐENJE
4. INFORMIRANJE O AKTIVNOSTIMA REPREZENTATIVNIH SELEKCIJA
5. ODGOVORNOST, PRIZNANJA I NAGRADE,
6. ZAVRŠNE ODREDBE.

1. OBRAZOVANJE REPREZENTACIJE

Član 3.

Reprezentaciju SRS BiH za bilo koje međunarodno takmičenje se obrazuje od:

1. STRUČNE EKIPE:

- Selektor
- Trener
- Vođa puta,kapetan reprezentacije

2. TAKMIČARI I REZERVE

- Pomažući članovi

1.1.STRUČNA EKIPA

Član 4.

STRUČNA EKIPA je dio rukovodstva reprezentacije odgovorna za obrazovanje - formiranje reprezentacije SRS BiH , pripremu reprezentacije i sastoji se od:

- SELEKTORA, koga imenuje Upravni odbor, na prijedlog Takmičarske komisije na osnovu rezultata po Javnom konkursu,
- TRENERA, koga imenuje Takmičarska komisija, na prijedlog Selektora
- VOĐA PUTA, Kapetan reprezentacije, na prijedlog selektora imenuje UO SRS BIH.

Član 5.

STRUČNA EKIPA je odgovorna za potpuno provođenje Plana priprema, a Upravni odbor SRS BiH je dužan obezbijediti materijalne uslove predviđene planom priprema.

Član 6.

STRUČNA EKIPA prati rad svih takmičara u reprezentaciji, intervenira za slučaj potrebe zamjene takmičara ili popune rezervama, zamjene hrane i mamaca na treninzima i na samom zvaničnom takmičenju. Odgovorna je kompletan za dio sportskih priprema takmičara.

Član 7.

Stručna ekipa se ne miješa u rad UO SRS BIH, ali sa njim ostvaruje najtješnju suradnju na obezbjeđenju materijalnih i drugih uslova za provođenje Plana priprema, odlaska na takmičenja, boravka i povratka sa takmičenja.

Član 8.

Odgovornost za nekorektno i neblagovremeno izvršavanje obaveza, kao i stimulacije i priznanja za ostvarene dobre rezultate regulirane su posebnim poglavljem ovog pravilnika.

Član 9.

SELEKTOR - je odgovorna osoba na čelu STRUČNE EKIPJE, kojeg imenuje UO SRS BIH javnim konkursom a ima slijedeće obaveze:

- Da izradi Plan priprema i rada reprezentacije, sa realnim finansijskim planom, kojeg dostavlja TK-i , te nakon usvajanja od strane UO SRS BIH, isti i provede,
- Da zajedno sa menadžerom reprezentacije, radi na obavezama Menadžmenta,
- Da zajedno sa trenerom utvrđuje taktiku, način pecanja, mamce, hranjenje i pribor kako na izbornim takmičenjima, treninzima tako i na zvaničnim reprezentativnim nastupima
- Da zajedno sa trenerom intervenira za sastav ekipe, za drugi dan takmičenja, tako da zadnjeg takmičara po plasmanu, zamjenjuje u rezervu .U Castingu da takmičarima pomaže oko pripreme pribora.
- Izrađuje izvještaj Upravnom odboru SRS BiH o nastupu reprezentacije, na takmičenju, protokolarnim događajima, plasmanu i uopšte o svim događajima od momenta preuzimanja obaveza za brigu o reprezentaciji do njenog povratka sa takmičenja. Rok za podnošenje izvještaja je 7 dana od dana povratka sa takmičenja.

Član 10.

TRENER - je dio Stručne ekipe koga imenuje Takmičarska komisija SRS BiH, na prijedlog selektora reprezentacije, a ima slijedeće obaveze:

- Da zajedno sa selektorom reprezentacije izrađuje i nakon usvajanja provodi Plan priprema reprezentacije
- Da zajedno sa selektorom utvrđuje taktiku, način pecanja, mamce, hranjenje i pribor kako na izbornim takmičenjima, treninzima tako i na zvaničnim reprezentativnim nastupima
- Da zajedno sa selektorom intervenišu za sastav ekipe, za drugi dan takmičenja, tako da zadnjeg takmičara po plasmanu zamjenjuje u rezervu .U Castingu da takmičarima pomaže oko pripreme pribora.

Član 11.

VOĐA PUTA-KAPETAN REPREZENTACIJE- je dio Stručne ekipe koji je odgovoran za sve poslove oko reprezentacije, osim obaveza selektora, koji na međunarodnom takmičenju, predstavlja reprezentaciju i SRS BIH, na sastancima kapetana, kojeg imenuje, na prijedlog selektora UO SRS BIH, a treba poznavati jedan službeni strani jezik, te mora poznavati Pravilnik te discipline, da se ravnopravno može angažirati na sastanku kapetana ili žirija takmičenja, za regularnost takmičenja i svoju reprezentaciju

1.2. TAKMIČARI

Član 12.

Takmičari su dio reprezentacije SRS BiH odabrani kvalifikacionim takmičenjima za svoju kategoriju u okviru Premijer lige državnog prvenstva. Status reprezentativca-takmičara može utvrditi TK i bez kvalifikacijskog plasmana ukoliko se za to ukaže potreba, a na osnovu rezultata ostvarenih na prethodnim i tekućim takmičenjima, učešća u reprezentativnim nastupima.

Član 13.

POMAŽUĆI ČLANOVI su preostali dio takmičara reprezentacije koji učestvuju na zvaničnom takmičenju, ali su na pripremama reprezentacije imali slabije rezultate od ekipe koju je selektor prijavio za prvi dan zvaničnog takmičenja. Njihov zadatak je da ispunjavaju razne prijavne obrasce, startne listiće, i pomažu kolegama iz reprezentacije, te vrše i ostale poslove koje od njih zahtijevaju selektor i trener u cilju postizanja boljeg plasmana ekipe.

Na takmičenju pomažući članovi se raspoređuju iza leđa dodijeljenom takmičaru kome pomažu u prenošenju pribora, i samo ispunjavaju obaveze naložene od strane selektora i trenera.

Član 14.

Status reprezentativca SRS BiH u svojoj kategoriji stiče :

- U kategoriji seniora za disciplinu:

«PLOVAK»5+1 = 6 takmičara
«ŠARAN».....3x2 +3= 9 takmičara
«Fly Fishing»..... 5+1 = 6 takmičara
«Casting»..... 4+0 = 4 takmičara
«SPIN»-varaličarenje..... 4+2 = 6 takmičara
Invalidne osobe..... 4+1 = 5 takmičara + 4 pomoćnika
Ostale kategorije «PLOVAK».....4+1. = 5 takmičara-takmičarki

Konačnu odluku o broju rezervi, i pomoćnika kod reprezentacije invalida, trenera vođa reprezentacije za svaki nastup, 90 dana prije odlaska na takmičenje donosi Upravni odbor SRS BiH, rukovodeći se finansijskim mogućnostima Saveza i planom nastupa reprezentacija za tu godinu.

Član 15.

Reprezentativni status iz prethodnog člana stiče se obaveznom plasmanom prva tri takmičara iz lige ili prve 2 ekipe, ako je ekipno takmičenjem, a ostali su izbor selektora reprezentacije, ali smo iz reda takmičara iz kvalifikacija, ili lige te discipline. Izbor selektora uz obavezno obrazloženje verifikuje Takmičarska komisija SRS BiH.

Član 16.

Svi takmičari sa statusom reprezentativca, dužni su poštovati odluke selektora reprezentacije i trenera, te učestvovati na pripremama i vlastitom materijalnom opremanju i bez obzira da li će biti u ekipi koja će nastupiti, ili će biti rezerva sa statusom pomažućeg člana.

Član 17.

Svaki reprezentativac mora posjedovati vlastitu ribolovnu takmičarsku opremu i to:

-Za disciplinu «PLOVAK» obavezna sredstva i pribor su;

- takmičarska stolica ,
- Štapovi direktaši, MATCH- Bolognese,
- Štek štap do dužine po Pravilniku svake kategorije takmičara-takmičarki(dužine 10 m , 11,5 m i 13 metara zavisno od kategorije takmičara,
- Baždarene posude za primamu i mamaca,
- Zaštita od kiše, vjetrova i sunca

- Za disciplinu «ŠARAN» obavezna sredstva i pribor su:

- Rod pod - stalak za štapove,
- 3 štapa sa signalizatorima
- Štapove za lov ribe
- Adekvatne mreže za prihvat ribe
- Adekvatne čuvarice ,

- Prostirka za polaganje i vaganje ribe,
- Šator sa kamp opremom,
- Zaštitna sredstva od kiše, vjetra i sunca,

- Za disciplinu «FLY FISHING» obavezna sredstva su:

- Adekvatni kompleti šnura za a rijeke i jezera,
- Čekrci za rijeke i jezera,
- potreban broj predveza i mušica; nimfi, suhих i strimera za rijeke i jezera,
- Odgovarajuća zaštitna sredstva od kiše, sunca i vjetra, čizme, prsluci, kape,
- Štapovi max dužine 366 cm

-Za «CASTING» obavezna sredstva su:

- Štapovi sa rolnama za bacanje tega od 7 grama jednoručni i 18 grama dvoručno
- Za bacanje mušice u dalj i dalj jednoručno i dvoručno bacanje mušice u dalj.
- Ostali dio opreme, sredstava i pribora je fakultativan .

-Za disciplinu «SPIN»-varaličarenje obavezni si:

- Štapovi sa rolama po vlastitom izboru do 2,75 m dužine,
- Sak-meredov,
- Ostala oprema i mamci po vlastitom izboru.

Član 18.

Bez obzira na plasman u izbornim takmičenjima, reprezentativci ne mogu učestvovati u reprezentaciji bilo koje discipline i kategorije bez minimalne vlastite opreme iz prethodnog članka .

Član 19.

Za reprezentaciju ne mogu nastupiti članovi čije SRD za proteklu godinu nje izvršilo uplatu članarine za entitetski savez, a provjeru mora izvršiti selektor reprezentacije.

1.3. MENADŽMENT - TIM

Član 20.

Svaka od reprezentacija, na prijedlog Foruma lige, može, preko TK-e, predložiti na usvajanje UO SRS BIH, formiranje Menadžmenta-Tima,(u daljnjem tekstu Menadžment) a posebno **kada nisu osigurana finansijska sredstva**, a reprezentacija ima realne šanse , da (radi blizine održavanja WFC, manjih troškova), može nastupiti, kojega čine:

- selektor
- menadžer
- vođa puta ili kapetan reprezentacije.

Član 21.

Menadžment je zadužen da:

- osigurava nedostatna finansijska sredstva za odlazak na takmičenje,
- blagovremenu rezervaciju smještaja,
- obezbjeđuje adekvatan prijevoz,
- Utvrdjuje sa domaćinom satnice, raspored i protokole ponašanja u objektima smještaja,te na putovanjima, na treninzima na samom takmičenju, na svečanostima pri otvaranju i zatvaranju takmičenja, te na svečanim večerama,
- Obezbjeđuje adekvatnu prehranu na putovanju.

Član 22.

Menadžment može, pored poslova oko reprezentativnog nastupa na međunarodnom takmičenju, biti i menadžment lige, u disciplini koju predstavlja reprezentacija, radi pomoći i boljeg funkcioniranja lige, a uz to i treninga i popularizacije ribolovnog sporta.

2. OBAVEZNA OPREMA I PRIBOR REPREZENTATIVACA SRS BiH

Član 23.

Oprema reprezentativaca se sastoji od vlastite opreme, pribora i sredstva iz člana 16 i 17 ovog Pravilnika, koji je uslov za uključenje u reprezentaciju i opreme koju nabavlja SRS BiH i stavlja na korištenje i opreme koja mu ostaje u trajno vlasništvo.

Član 24.

Svim učesnicima u reprezentaciji SRS BiH stavlja se na raspolaganje oprema koja se koristi na otvaranju i zatvaranju takmičenja te drugim svečanostima upriličenim na takmičenju. Svi reprezentativci uključujući vodstvo puta i zvaničnike SRS BiH moraju biti obučeni u jednoobraznu uniformu koja se sastoji od:

- Sakoa sa grbom BiH na prednjem lijevom dijelu, boja teget-tamno plava sa žutim detaljima.
- Hlače teget sa žutim prugama sa strane
- Bijela košulja sa prikladnom kravatom (za sve jednaka)

Ovu opremu zadužuje selektor ili kapetan, koji je izdaje reprezentativcima na revers, a po povratku, najdalje u roku od 7(sedam) dana tu istu opremu vraća u kancelariju SRS BiH, koja se suglasno ukazanoj potrebi daje na kemijsko čišćenje i osposobljava za upotrebu za nov nastup neke od reprezentacija.

Član 25.

Reprezentativci su dužni čuvati zaduženu opremu, a u slučaju oštećenja materijalno obešteti SRS BiH u roku od 7 dana po povratku sa takmičenja.

Član 26.

Obavezni dio opreme reprezentativaca SRS BiH predstavlja odjeća i obuća koja im ostaje u trajno vlasništvo, a sastoji se od:

- Kapa sa štitnikom od sunca 1 kom
- Majice pamučne 2 kom
- Trenerka dvodijelna 1 par
- Patike 1 par
- Radno odijelo (treger-šus +vindjakna) 1 kom
- Kecelja pregača 1 kom
- Boja opreme je osnovna tamno plave sa žutim kombinacijama

Član 27.

Kompletnu opremu znakove i štampani tekst kreirat će dizajner koji će zajedno sa kancelarijom SRS BiH uz verifikaciju Upravnog odbora dati adekvatna rješenja za svaki dio opreme posebno, U ove poslove u konzultantskoj ulozi može biti uključen i sportski Savez BiH i Olimpijski odbor.

Član 28.

Oprema iz člana 24 i 26. za vrijeme putovanja i boravka na takmičenju koristi se suglasno uputama iz člana 25 ovog Pravilnika, kojih se mora pridržavati svaki član reprezentacije.

2.1. HRANA I MAMCI

Član 29.

Za zakazane pripreme, treninge i takmičenje, selektor i trener su utvrdili vrstu i količinu potrebne hrane-primame i mamaca koju Stručna ekipa ili Menadžment, treba staviti na raspolaganje u tačno određeno vrijeme i mjesto. Selektor i trener vrše raspored, količine hrane takmičarima prema potrebi, a u ostalim disciplinama (spin-varaličarenje, i sl.) prije prvog treninga.

U slučaju da se pokaže neadekvatnom, kapiten ekipe mora hitno reagirati i nabaviti novu vrstu primame, koja će odgovarati danim uslovima lova. Inače, mamce i hranu za primamu, za zvanične treninge i takmičenja, kao i varalice, trener ili selektor podjeli reprezentativcima po programu.

Član 30.

Neurošenu hranu u originalnom pakovanju, treneri prikupljaju od takmičara, te po završetku takmičenja predaje u kancelariju SRS BiH putem zapisnika. Svi mamci kod svih disciplina se smatraju potrošnim materijalom.

Član 31.

Na treninzima i takmičenjima takmičar mora koristiti mamce i hranu pripremljenu prema uputama selektora i trenera reprezentacije.

3. FINANSIJSKO OBEZBJEĐENJE

Član 32.

Financiranje reprezentacije SRS BiH na međunarodnim sportsko-ribolovnim takmičenjima vrši se u osnovi iz Proračuna SRS BiH . ali i iz drugih izvora kao što su:

- sredstava sponzora SRS BiH,*
- sredstava donatora,*
- sredstava proračuna državnih organa, -ličnih sredstava takmičara, - -dobrovoljnih priloga udruženja i članova SRS BiH,*
- drugih izvora obezbjeđenih marketinškim aktivnostima SRS BiH*
- sredstva osigurana radom Menadžmenta.*

Član 33.

Upravni Odbor SRS BiH, po usvojenom programu svake od reprezentacija, koje odlaze na Međunarodno takmičenje, formira STRUČNU EKIPU, koja se brine o slijedećem:

- uspostavljanje kontakta sa domaćinom takmičenja,*
- lagovremenu rezervaciju smještaja,*
- obezbjeđenje viza po potrebi,*
- organizaciju kompletiranja reprezentacije za polazak,*
- priprema specifikaciju potrebne opreme-odjeće za takmičare, hrane i mamce za lov ribe,*
- Organizuje štampanje odjeće i rekvizita prema odredbama Pravilnika i zahtjevima sponzora reprezentacije,*
- Obezbeđuje dovoljnu količinu reklamnog materijala za razmjenu sa takmičarima iz drugih Saveza,*
- Obezbeđuje prospektni materijal za animiranje turističkih vrijednosti zemlje BiH , posebno njenog ribolovno-vodnog potencijala,*
- upoznaje reprezentativce sa pravilima ponašanja za vrijeme putovanja do mjesta boravka, boravku i takmičenju na koje odlaze,*

Član 34.

Upravni odbor organizuje marketing službu, koja je direktno pod njegovim nadzorom, a bavi se raznim vidovima marketing aktivnosti u svrhu prikupljanja dodatnih sredstava za opremanje, pripremanje i financiranje odlaska reprezentacija na međunarodna takmičenja.

Član 35.

Marketing služba se sastoji od :

- menadžera marketinga*
- suradnika*

Suglasno mogućnostima i potrebama rad u marketing službi može biti profesionaliziran.

Član 36.

Marketing služba suglasno preporuci Upravnog odbora SRS BiH, potencijalnim sponzorima nudi adekvatne ugovore iz kojih će se jasno vidjeti obaveze ugovornih strana.

Član 37.

Menadžeri i druga lica, koja obezbjeđuju sponzorske ugovore, imaju pravo stimulaciju u vidu nadoknade od 20 % (dvadeset posto) visine vrijednosti ugovora. **Pravo se ne odnosi na sponzorstvo iz budžetskih sredstava i sredstava članica saveza.**

Sponzorska sredstva mogu biti u vidu:

-novčana sredstva,

-materijalna sredstva, u odjeći, sportskoj opremi, priboru, prihrani, mamcima

-uslugama prijevoza, hotelskog smještaja, štampanja opreme, grafičkih, medijskih i drugih usluga

Sva ostvarena sponzorska sredstva iz ovog Člana, su isključiva sredstva za reprezentaciju za koju su ugovorom namijenjena i ne mogu se upotrebljavati niti u kakve druge svrhe, osim za tu reprezentaciju.

Član 38.

Donatorska sredstva se isključuju iz stimulacije iz prethodnog člana, a podrazumijevaju razne donacije i dobrovoljne priloge.

Član 39.

Marketinška aktivnost podrazumijeva i organiziranu proizvodnju, prodaju suvenira, razne galanterije sa znacima SRS BiH, posebno kreiranim znakom neke reprezentacije ili po SRS BiH autoriziranom znaku koji se stavlja na proizvode široke potrošnje, majice, torbice, kape i slično.

Ostvareni neto prihod po ovom osnovu predstavlja dio prihoda SRS BiH, kojim se financiraju aktivnosti reprezentativnih selekcija.

Član 40.

Sredstva proračuna planirana za financiranje učešća na međunarodnim takmičenjima i sredstva ostvarena marketinškim aktivnostima predstavljaju osnovu za utvrđivanje broja izlazaka na međunarodna takmičenja

Član 41.

Na prijedlog Takmičarske komisije SRS BiH, Upravni odbor SRS BiH će razmotriti planove troškova svih reprezentacija, te blagovremeno, tri mjeseca prije početka prvog međunarodnog nastupa neke od reprezentacija, donijeti odluku koje reprezentacije izlaze na međunarodna takmičenja tekuće godine. Pri donošenju odluke Upravni odbor imenuje STRUČNU EKIPU, koja će biti uključena u aktivnosti za obezbjeđenje uslova za što kvalitetnije opremanje reprezentacije.

Upravni odbor neće dozvoliti odlazak bilo koje reprezentacije na međunarodno takmičenje ukoliko nisu zadovoljene sve odredbe ovog Pravilnika, kriterija Olimpijskog komiteta BiH i nije u potpunosti proveden plan priprema reprezentacije za takmičenje na koje odlazi.

3.1. NAKNADE REPREZENTATIVCIMA

Član 42.

Ako je kolektivno uplaćen prijevoz do mjesta takmičenja i smještaj sa pansionom, reprezentativcima pripada na ime džeparca 20 % putne dnevnice koje primaju uposlenici državnih organa kada odlaze u zemlju organizatora takmičenja.

Ako je obezbjeđen polupansion onda džeparac iznosi 30 % ili ako je obezbjeđen samo smještaj onda džeparac iznosi 50 % od spomenute putne dnevnicе za tu zemlju. Džeparac po kolektivnom spisku isplaćuje vođa puta-kapetan reprezentacije, koji se zadužuje sredstvima u kancelariji SRS BiH, koji se zadužuje i sa rezervnim sredstvima koja su potrebna na takmičenju i za koja se ukaže eventualna potreba (ozlijede takmičara, bolest, nepredviđene takse, itd), a o čijoj upotrebi odlučuje Menadžment-tim na takmičenju.

Član 43.

SRS BiH u cijelosti financira troškove svih učesnika za vrijeme puta i boravka na takmičenju.

Analiza ostvarenih rezultata u materijalnom i finansijskom obezbjeđenju su, uz uspjeh takmičara na stazi, glavni element ocjene uspjeha Menadžmenta, što je svakako preporuka za dalja uključivanja u ove marketinške aktivnosti.

4. INFORMIRANJE O AKTIVNOSTIMA REPREZENTIVNIH SELEKCIJA

Član 44.

Svi reprezentativci osim izravnog kontakta sa Selektorom i Trenerom sve podatke o toku priprema reprezentacije (osim zvaničnog glasila i biltena) dužni su prikupljati informacije sa WEB stranice Sportsko ribolovnog saveza www.srsbih.com/web, FB profila Saveza i E-mail adresa saveza: (srsbihk@gmail.com) ili srsbihk@gmail.com gdje mogu postavljati upite i tražiti odgovore vezane za odlazak i povratak sa takmičenja.

Kancelarija saveza putem WEB administratora sa svakog održanog takmičenja na kom je uzela učešće reprezentacija SRS BiH dužna je objaviti ostvarene rezultate na WEB stranici saveza u roku od 15 dana po završenom takmičenju.

Osnovni podaci o svakom reprezentativcu SRS BiH sa fotografijom objavljuju se na WEB stranici SRS BiH.

5. ODGOVORNOST, KAZNE, PRIZNANJA I NAGRADE

Član 45.

5.1. ODGOVORNOST

Za ponašanje suprotno odredbama ovog Pravilnika, te kodeksa ponašanja koji podrazumijeva naziv reprezentativca SRS BiH, koji ima utjecaj na ugled reprezentacije SRS BiH, utvrđuje se pojedinačna odgovornost i poduzimaju zaslužene sankcije koje mogu biti:

- udaljenje iz reprezentacije,
- nadoknada prouzročene štete,
- zabrana učešća na takmičenjima posebno izbornim,
- prijava Upravnom odboru i zahtjev za njegove sankcije za sve prekršiće, a posebno za vođu puta-kapetana, selektora i trenera reprezentacije.

Član 46.

Zahtjev za pokretanje postupka protiv prekršioca određaba ovog pravilnika pokreće trener, selektor ili vođa puta, zavisno od toga tko je prekršilac. Zahtjev može podnijeti i takmičarska komisija SRS BiH ukoliko se radi o dužnosniku saveza koji je prekršilac, ili na temelju dostavljenog izvještaja ukoliko utvrdi nepravilnosti, a nitko, tko je bio zadužen da pokrene disciplinski postupak, nije to uradio u cilju prikrivanja prekršaja.

Član 47.

Disciplinska komisija Saveza je prvostupanjski organ u rješavanju žalbi na izrečene disciplinske mjere članovima reprezentativnih selekcija. Drugostupanjski organ u rješavanju žalbi i pritužbi na izrečene disciplinske mjere je Upravni odbor SRS BiH čija je odluka konačna i na nju se ne može izjaviti žalba.

Član 48.

Disciplinska komisija ili organ koji donosi Odluku po izrečenoj disciplinskoj mjeri, javno objavljuje, putem sredstava informiranja saveza (WEB SITE) podatke navedene u članu 44.

Član 49.

Žalbe na izrečenu odluku Disciplinske komisije SRS BiH, se upućuju Upravnom odboru koji u drugostepenom postupku donosi konačnu odluku po izjavljenoj žalbi na izrečenu disciplinsku mjeru. Na odluku Upravnog odbora nema pravo žalbe.

5.2. RANGIRANJE, PRIZNANJA I NAGRADE

Član 50.

Da bi se utvrdio uspjeh svih reprezentacija SRS BIH, ekipno, rangiranje se ocjenjuje procentom, na način: broj osvojenog mjesta se dijeli sa ukupnim brojem učesnika (reprezentacija) na tom međunarodnom takmičenju:

Primjer: Osvojeno 8 mjesto : 20 učesnika= 0,40%

Osvojeno 11 mjesto : 20 učesnika= 0,55%

Bolje je plasirana reprezentacija sa manjim postotkom.

Član 51.

Rangiranje reprezentacija na kraju godine, na osnovu rezultata utvrđuje Takmičarska komisija, te u BILTENU -2, dostavlja UO SRS BiH na usvajanje. Rang uspjeha reprezentativnih selekcija je osnova za utvrđivanje eventualnih priznanja i nagrada u bilo kojem smislu i po Članu 54. Ovog Pravilnika.

Član 52.

Na osnovu ostvarenih rezultata Upravni odbor SRS BiH će po plasmanima nagraditi kompletnu takmičarsku ekipu ako se plasira na jedno od prvih 3. mjesta na svjetskom prvenstvu, nagradom nastupa na narednom Svjetskom prvenstvu, bez obzira da li je izlazak te selekcije bio planiran.

Član 53.

Ako se u pojedinačnoj konkurenciji osvoji neka od medalja, takmičar koji je to postigao, zaslužuje godišnju plaketu za uspjeh i novčanu nagradu. Takmičar koji ostvari plasman do 5. mjesta ostaje u sastavu reprezentacije za narednu godinu, odnosno, za prvi međunarodni nastup reprezentacije. Takmičarima u pojedinačnoj konkurenciji, koji ostvare plasman do 10-og mjesta, rezultat se smatra odličnim uspjehom.

Član 54.

Nakon analize sve ukupnih rezultata svih reprezentativnih selekcija, Takmičarska komisija SRS BiH, može predložiti Upravnom odboru SRS BiH novčano nagrađivanje pojedinaca. Iznos novčane nagrade utvrdit će Upravni odbor SRS BiH suglasno raspoloživim sredstvima, a u skladu sa Pravilnikom o nagradama i priznanjima SRS BiH.

6. ZAVRŠNE ODREDBE

Član 55.

Sva otvorena pitanja vezana za izbor, pripremu, materijalno opremanje, financiranje i vođenje reprezentacija na međunarodna takmičenja, koja nisu regulirana ovim Pravilnikom rješavati će Upravni odbor na prijedlog Takmičarske komisije SRS BiH.

Član 56.

Ovaj Pravilnik je sastavni dio kompleta pravila o sportsko ribolovnim takmičenjima. Stupa na snagu danom donošenja na Upravnom odboru SRS BiH i primjenjivat će se na sve reprezentativne selekcije. Upravni odbor SRS BiH je ovlašten za davanje tumačenja eventualno nejasnih odredaba ovog Pravilnika.

Član 57.

Stupanjem na snagu ovog Pravilnika, prestaje važiti Pravilnik usvojen 03.03.2012 godine.

Sarajevo, 15.02.2014.

Broj: 01-075/14

PREDSJEDNIK SRS BiH
Đorđe Klepić